



JUSTITSMINISTERIET

Folketinget
Grønlandsudvalget
Christiansborg
1240 København K

Ulloq: 29.01.2025
Allaffik: Nordatlantkontoret
Sulia.sul: Anders Bertelsen Forman
Suliap normua: 2025-00433
Takussutissiaq: 3587573

Kalaallit Nunaanni pinerluttulerinermi inatsit malillugu inissiisarfimmi inissinneqarnissaq pillugu eqqartuussutit, piffissami 2010-miit 2017 ilanngullugu eqqartuussutigineqarsimasut arlallit piffissap pisoqaasoortitsiffiusup naanissaa sioqqullugu naammasineqarsimanngitsut, aamma pineqaatissiinerit eqqartuussutigineqartut taamaammat atorunnaartut, Rigsadvokatip aamma Pinerluttunik Isumaginnittut Pisorta qarfiata ulloq 10. januar 2025 ilisimatitsissutikkut Inatsiseqarnermut ministereqarfimmut ilisimatitsissutigaa.

Kalaallit Nunaanni Pinerluttunik Isumaginnittut, pinerluttulerinermi inatsimmi § 261, imm. 1 malillugu piffissap pisoqalisoorfissap ukiunik 5 sivirususeqartup naannginnerani eqqartuussutit marluk 2022-imi ukiakkut suussusersisimagaat, ilisimatitsissummi erseqqinnerusumik takuneqarsinnaavoq. Tamanna tunngavigalugu Kalaallit Nunaanni Pinerluttunik Isumaginnittut aamma Kalaallit Nunaanni Politiit ataanni unnerluussisussaataasut piffissami 2008-miit 2024 ilanngullugu sulianik misissuineq suliarisimavaat. Kalaallit Nunaanni Pinerluttunik Isumaginnittut aamma Kalaallit Nunaanni Politiit piffissami pineqartumi pinerluttulerinermi inatsimmi kapitali 28-imiit 31 ilanngullugu malittarisassat malillugit (nakkutigineqarnissamik eqqartuunneqarnek, inuiaqatigiinni sulisitaanissamut eqqartuunneqarnek, inissiisarfimmut inissinneqarnissamut nakkutigineqarnissamullu kiisalu inissiisarfimmi inissinneqarnissamut eqqartuunneqarnek) eqqartuussutinik naammasinninnerit pillugit suliat 500-it missaanniittut suussusersisimavaat. Tamatuma kingorna eqqartuussutit tamaasa, inissiisarfimmi inissinneqarnissamik pineqaatissiissutitut tunngasut, misissuiffigineqarnerat suliarineqarpoq.

Piffissap pisoqalisoorfiusussap naannginnerani, inissiisarfimmi inissinneqarnissamik eqqartuussutit, piffissami 2010-miit 2017

ilanngullugu eqqartuussutigineqarsimasut, 12 naammassineqarsimanngitsut misissuinerup takutippaa, tassami eqqartuussutinit 12-sunit 8 naammassineqarsimanngillat, massa eqqartuussutit sinneruttut 4 ilaannakoortumik naammassineqarsimasut. Naammassinnititsinngitsoornerit pissanut ullunut 20-it aamma qaammatit 7 akornanniittunut tunngassuteqarput Eqqartuussutit pineqartut ilaatigut pinngitsaalilluni atoqateqarnernut, nakuusernernut, tillinniarnernut aanngajaarniutinullu tunngassuteqarput. Eqqartuussutinut taakkununga 12-nnut nalunaarsuut ilanngussatut ilanngunneqarpoq.

Naammassinninnginnernut oqartussaasut kukkussutaat pissutaasut, Kalaallit Nunaanni Pinerluttunik isumaginnittut aamma Kalaallit Nunaanni Politiini unnerluussisussaataasut ilisimatitsissutigisimavaat. Pisut ilaanni, piffissap pisoqalisoortitsiffiusup naareernerani, unnerluussisussaataasut eqqartuussutunik eqqartuussutigineqarsimasunik nassiussisimanerat, aamma pisuni allani unnerluussisussaataasunit nassiunneqarsimasutut takuneqarsinnaasunik, pinerluttunik isumaginnittunut tiguisarsimannginnerat takuneqarsinnaavoq. Sinnerinut piffissap pisoqalisoorfiusup naannginnerani pinerluttunik isumaginnittut pineqartoq eqqartuussummik naammassinnikkiartoqqullugu qaaqqusimanngilaat. Eqqartuussutit naammassineqarnissaannut naammattumik qulakkeerinnittussanik, sulianik suliarinnittarnernut aaqqissuussinerit aamma nakkutilliinermut iliuusissat pilersinneqarsimannginnerat, kukkunernut ingammik pissutaasut, oqartussaasut nalilerpaat.

Tamanna tunngavigalugu Kalaallit Nunaanni Pinerluttunik Isumagiinnittut aamma Kalaallit Nunaanni Politiini unnerluussisussaataasut, siunissami pineqaatissiissutinik eqqartuussutigineqartunik naammassinninngitsoortoqarnissaa pinngitsoortinniarlugu suliniutinik arlalinnik aallartitsisimapput. Eqqartuussutit- aamma eqqartuussisut allattaaviisa nassiunneqarnissaannut unnerluussisussaataasuni systemit eqqaamasitsisussat eqqunneqarnerat, aamma Kalaallit Nunaanni Pinerluttunik Isumaginnittuni allakkanut nakkartitsisarfiup atuuttup nakkutigineqartussap, eqqartuussutunik naammassineqartussanik digitaliusumik nassitsiffiusartussap, pilersinneqarnera, suliniutini pineqarput. Pisuni tamani unnerluussisussaataasunit eqqartuussummik naammassineqartussamik tiguisoqaraangat, pinerluttunik isumaginnittut aammattaq tiguisisimaneq pillugu allagaq uppernarsaat nassiuttarniarpaat, aamma tiguisinermut ullut 7 iluanni allakkamik uppernarsaammik tiguisoqarsimanngippat, unnerluussisussaataasut Kalaallit Nunaanni

Pinerluttunik Isumaginnittunut saaffiginnissapput. Naggataagut Suliat tamarmik eqqortumik ingerlanneqartarnissaasa qulakkeerneqarnissaat siunertaralugu, siumut sammisumik kvartalikkaalugu sulianut, pinerluttunik isumaginnittunut naammassineqaqqullugit nassiunneqarsimasunut, tamanut killiffinnik, Kalaallit Nunaanni Pinerluttunik Isumaginnittut aamma Kalaallit Nunaanni Politiini unnerluussisussaataasut, misissuisarniarput.

Eqqartuussutit arlallit oqartussaasut kukkuneranik pissuteqartumik piffissaagallartillugu naammassineqarsimannginnerat, oqartussaasut assut ajuusaarnartikkaat, Pinerluttunik Isumaginnittut Pisortaqarfiata aamma Rigsadvokatip ilaatigut taasimavaat. Pinerluttunik Isumaginnittut Pisortaqarfiata aamma Rigsadvokatip suliniutit aallartinneqarsimasut tusaatissatut tigusimavaat aamma taakku sunniutaat malinnaaviginiarlugit, aamma politeqarfup pinerluttulerinernik sulianik suliarinnittarneranut nalinginnaasumik nakkutilliinermut atatillugu, Københavni Statsadvokatip suliniutit taaneqartut atortuulersinneqarneqarnerat ukkatariniarpaa, aamma allanik suliniutinik pisariaqartitsisoqarneraq politteeqarfimmut oqaloqatiginnissutiginiaraa, ilisimatitsissutigineqarpoq. Naggataagut misissuinermi piffissami 2017-ip kingorna eqqartuussutinik eqqartuussutigineqarsimasunik pisoqalisoonnikunik nassartoqarsimannginnera, Pinerluttunik Isumaginnittut Pisortaqarfiata aamma Rigsadvokatip tusaatissatut tiguaat.

Inuianni inatsisitigut illersugaasuni, pinerluttuliornermit eqqunngitsuliorfigineqartutut pineqaatissiissutip eqqartuussutigineqartup inummit eqqartuunneqartumit naammassineqarnissaa pillugu qaquguluunniit nalornisoqassanngilaq. Taamaammat pinerluttuliornermit eqqartuunneqarsimasut, oqartussaasuni kukkuneq pissutigalugu inissiisarfimmi inissinneqarnissamik eqqartuussut pisimasartik naammassisimanngimmassuk soorunami akuerineqarsinnaanngilaq. Oqartussaasut siunissami kukkunernik assingusunik kukkusoqannginnissaata qulakkeerniarlugu annertuumik ukkatarinnittussaanagerat naatsorsuutigaara. Siumut sammisumik suliat assingusut pinngitsoortinniarlugit, oqartussaasut suliniutinik arlalinnik aallartitsisimanerat, aamma taakku atortuulersinneqarnissaat aamma sunniutaat kiisalu taamaattoqassappat allanik suliniuteqartoqarnissaanik pisariaqartitsineq malinnaaffigineqarniarmat, tassunga atatillugu tusaatissatut tiguara.

Ilisimatitsineq manna tamatuma peqatigisaanik Folketingip Retsudvalgianut aamma Naalakkersuisunut kiisalu Naalakkersuisut isumaqatigiissuteqarfialugit assilillugu sanaqqinneqarnera Inatsisartunut nassiunneqarpoq. Allakkap assilillugu sanaqqinnera Inatsisartunut nassiullugu, Naalakkersuisunut ilisimatitsineq kalaallisut nutserneqarpoq taannalu ilanngunneqarpoq.

Peter Hummelgaard

/

Niels Dam Dingsøe Petersen